

弁州山人續稿卷之一百五十二

吳郡王世貞元笑著

文部

祭文

祭曹中丞文

嗚呼大江西來壁峽滔滔浴景於政稱霹靂萬艘小滙
渚宮是生人豪其豪於宦早踐三館鐵冠霜粟白簡
星燦四履所及百城屏翰其豪於政稱霹靂手天檄
衡飛片言立剖金紫脅息黃墨奔走其豪於詩揮灑
惟意長空摩雕峻坂馳驥跌宕真宰鼓吹意氣其豪

於飲糟丘是營中山千醉後軍一醒履弛纓絕粉澤
縱橫凡公之豪爲世暮指所世覩者公之餘耳荷衣
赤帶蓬戶朱邸不見嗣宗乃絕臧否公我父行識荆
木嘗乃公棄梓爲余疆場郵筒數飛雲漢自章烏絲
素書以受雌黃他山之石誼取攻玉曝獻敢辭神交
則慙曾未何日報公不祿金隄潰流龍峰推谷嗚呼
哀哉有言在觴有織在絃百美當心如何棄捐豈握
鯨箸而逐青蓮或化爲箕游神九天天與令子公信
有後人與令問公信不朽璽書且下上冢牛酒以此
酬公當亦肯肯嗚呼哀哉尚饗

祭劉封君文

嗚呼古稱盛德獲報不于其身必于其子孫然至身
爲德而能貴其子子貴而能及其身此固造物之所
靳予而世之顯者又或羸於天而畸於人公學窮五
車而業困一第蓋髮垂頰而始觀國之賓其初可謂
屯矣及廷尉君之駿發也甫踰冠而翹然遽登乎要
津夫仕莫崇乎九列錫莫侈於三命凡立三朝而公
三得之易於人主之一嘆考功氏之所馳者曰文
舉茂楊行誼克敵司封氏之所嘉者曰行惇孝友才
具經綸乃至飭躬砥行學古通經則又公之所被於

光祿勲者也。今夫士冥脩於衡茅之下而受知於九重之尊其所寵靈光大亦足以自伸矣。然公受之若驚享之若氓過其里者疑其畏壘之居而即之者以爲義黃之民不琢其文以還渾淪謂齒雖毀而復覲髮雖頽而宜鬢胡一疾之告彌遂奄然而返真豈所謂五福者不免於考終命而都官若盧之獄不當爲廷尉不寃之民耶。貞辱宦游公鄉又辱與公之子親乃不獲贅帛以登公之堂而歿不能執紼以從公之輜徒結思於巴江與三峽之暮雲跪銜悲而奏夢耶以托於芷蘋嗚呼哀哉尚饗。

祭封少師李翁文

嗚呼天篤聖君必有賢臣天鑑賢臣乃畀吉人吉人
者何我永懷公寔生少師乘時奮庸少師作霖以膏
九土誰爲出雲公實大國少師作楫以濟大川誰爲
產材公實名山凡此相業曹隨宋守歸德於公少師
不有凡此相門衣錦佩璧歸報於公少師不食公有
賢配如鳳如鸞公有詰孫爲王爲蘭過公之里太和
所委入公之堂百順所萃覩公之容藹若春融接公
之談穆如清風世樂婆娑久而厭之倏焉乘風燿然
化箕貞等視公寔大父肩少師視貞子晁之間驥脫

服箱康莊鑿落驤首長鳴追感伯樂所以南州千里
酒絮今我一觴府王之父嗚呼哀哉尚饗

祭陸胥峰先生文

嗚呼自浙而西冠蓋之族其最華者唯平原陸中吳
以南仁讓之里其最賢者惟公橋梓公登上庠褰然
鶚薦攸儁南宮秉法淮甸持衡要人齟齬以歸森森
平湖悠悠樂饑荀產八龍公得其半伯也膏宇叔亦
翔漢仲季見田厥占文明寬祿大紳委蛇里庭公雖
三世不稱膏腴過從諸郎擬中大夫國則華胥鄉猶
畏壘恂恂長者抑抑君子人境不樂胡爲厭之用及

仗國而遂騎箕鶴馭番旌天棺瘞王悲者百身頌者
五福惟先中丞歲辛在丑射策金馬從公之後唯歲
在未伯氏叔氏則貞與懋後先尾驥古稱世講再世
而已寧如公我兄弟父子貞旋自郇懋旋自燕距公
仙游甫及期年椒漿蕙肴敢告靈輿公神行天爲我
躊躇嗚呼哀哉

祭王員外道立文

嗚呼公之游黌貞宰相從九年以長實兄事公癸卯
之秋爰薦仲氏以逮及余復稱公弟余倦而歸公始
穎脫婆婆娑公車徘徊下列及余三起見公承明執手

歡笑有踰平生鄭襄西邁公尚留滯郵筒械心殆無
虛歲余甫納節公氏職方痛哉除書與計相將公於
詞章珠璣咳唾晚而藏腹大炙不和公於談辨川涌
霞舒晚而葆光澄襟湛如六館四明出入人師矻矻
窮年宛若退之秩宗考工九載爲郎偃蹇不調又若
馮唐天於才賢夫豈無屬何用之晚而奪之速青衫
杳拖瘦馬戍削何予之庶而享之薄萬里歸魂千秋
夜臺公今已矣聊寫余哀尚饗

祭周雲川先生文

嗚呼世之所欲得者長壽多男子而已公貴矣然品

猶屈而稱四壽矣然袞望七而未至多男子矣及歿而執喪者僅徐鄉之二則凡世之所欲得者公固略而有之而其所欲得之極者乃遜讓而未備公之爲開而開政報優佐臬而臬人理進牧而牧事脩俱無論矣獨其片言而折如林之白刃於道周不至挾倭而劇吾臬脫臬人數十萬之命於狼虎之喉某聞之活千人者必侯公之功獨見掩於忌口而不收雖公易簣之際娓娓焉而道其詳某亦竊冀以延年而又不讐嗚呼豈古語果難徵而蒼蒼者果難知耶或大算有定而莫能推移耶抑公久不當壽而藉此以後其

期耶將不逮身而發於子姓孫枝耶公以易而師我先君尋以易而爲我師先君之下帷者五歲而貞之請益者一暮方卽節之初解欣杖屨之日追勿二豎之綿延痛昊天之不慈遺凡爲某師者二而皆有頌以嘉其耄耄乃獨使我操管而奏公之誅辭愧無以報公而還二子經徒抱遺編而自悲嗚呼哀哉尚饗

祭馮右山公文

嗚呼公生三十四年而始成進士爲名詩臣爲循守今者僅十三年而遽謝事及其以閣德尊於鄉稱鄉先生者踰三十三年而後奄然而仙逝豈造物之所

隆施者材而其所靳予者位夫既不盡竟公之用而
又畀之象賢之嗣意者欲佚公之身隆公之享而俾
爲公嗣者善繼公之志耶凡人才之挺生必有益於
斯世入而爲政於朝稜然白簡之銳出而爲政二邦
藹然甘棠之蔽歸而爲政於鄉則九里之河所漬也
爲政于家則萬石之風所被也橐筆侍從人見以爲
公之所自致紆紫橫金人見以爲今子之所推責而
孰知其兩相成而兩相契耶所謂契者父子之間互
爲知己而所謂成者子以父而賢父以子而貴夫公
之壽已開八袞而衆猶惜其未旣蓋覩其黔鬢朱顏

度幾藐姑射之姿而聞其握樞柱權將有得於錢素
之秘耶公之子方顯庸念不以一朝之菽水而易九
鼎之崇味叩楓陛而陳情指椿庭以扶侍既就養之
無方乃志物之咸備公始怡然還其子於朝家而還
其身於元氣嗚呼五福既完百順攸萃榮哀始終去
留無滯公神洋洋何所不際獨垂白之門人望靈旗
而雪涕敢致爵於漿椒復崇肴於櫬蕙溯流風以寫
欽靈庶幾其來憇嗚呼哀哉尚饗

祭張東沙文

嗚呼惟公今德皇所惠綬少而什禍中而解龜晚享

一壑踰期及順五十五年朝野半之出爲其霖九有
漸滋處爲慶雲五彩彪離潛珠自媚漸羽可儀湛思
著述薦老不衰俯汲衿紳出貴不移上下千古出入
百氏齒牙餘英流芬遐裔跡絕公府人疑簡貴在彼
藝林嵇阮公譬濬冲小子叨承把臂數馳尺牘責草
先誅洩勃之微採不我棄神交豈敢及門則未嗚呼
不朽者文不泯者名八座匪貴片語爲榮八袞匪壽
千秋若生石槲司馬廬山長平寧如茂嶼天界佳城
椒漿雖薄可以薦誠尚饗

祭秦虹洲文

鳴呼公起高第爲郡司理入郎青瑣獻國之是營護
將作靡恤胼胝銀臺進參典客文軌于藩于臬之綱
之紀甫長旬宣遽中萋菲歸而治生以營耳旨上有
慈白下有令子衍衍奕爛輔以金紫其最得者教育
多士衍洙泗流匪爲浙水醉白名堂通德標里蘭玉
之外皆爲桃李雀觴載觴鵬絃盈耳天旣豐之享不
爲侈胡忽奪之委順而已貞少於公垂迨一紀鹿鳴
並歌鵠行齊趾晚而獲歸文字知己遇余必酒酒不
忍止我醉欲眠公亦不起或飛大白或擲麝尾人擬
公仙公故自擬樂則三之福且五矣嗚呼風標鮮令

容微溫矣耳熱矜辭聽者亦喜一旦都盡令人心死
百身曷贖九京莫起嗚呼哀哉尚饗

再祭秦子成方伯文

嗚呼公之舉高第入青瑛徘徊九列爲良二千石不
佞之志略言之人亦能知之其割直溫慈所居官前
後有聲實而得材於二浙尤盛不佞之志略言之人
亦能知之歸而奉太夫人有佳子弟內極倫常志物
之娛外有泉石聲酒之樂不佞之志略言之人亦能
知之其用而未盡究也奉太夫人而弗獲終也有佳
子弟而未見其登用也此公之所沒而難於殫者也

不佞之志略言之人亦能知之而今者公塋矣生而
聰明正直其精爽必不昧不佞願有以告也夫生而
得爲人已不易公獨貴且富焉其寧無所自耶貴且
富不易而又有文有宦蹟有鄉黨稱又寧無所自耶
公之身不爲世名臣則必禪栖羽客之雋而其小有
所未滿者此非歛於前乃有所待於後也公雖冥冥
中幸精專其念毋昧其本上而皈依大道下而求續
陰功則公歿不歿也未滿者乃滿也不佞病不獲親
舉觴而此一觴不爲虛也公其鑒我酬我哉尚饗

祭子與文